


1890.

X





add. 10. Auhri diffinanz. de iure medicorum, Au-
reliae 1688 hab. vid. Bechtner, Grundgesetz, Section
Mülleri, rectoris Chemnicensis, Progr. de veterum
seruis medicis. vid. Biedermann, Acta scholast.
T. 1. part. III p. 303.
Pet. Zornii epist. qua disquisitur: Medici olim
seruis fuerint, nec ne. ad varios scriptorae
Locodum illustrat. in Epist. consul. Jacobi
T. 1. p. 335 - 340 recusa, edita Antelkac Hi-
lonii 1710.

2
~~ACCLAMATIO VOTIVA~~
~~V I R O~~
PRAENOBILISSIMO EXPERIENTISSIMO
EXCELLENTISSIMO,
D O M I N O
MART. GOTHELF
LOESCHERO

MED. D. ET PROF. EXTRAORD. SEREN. DVCIS
SAXO-VINAR. PHYSICO PROVINCIAL.

NVNC

PROFESSORI PHYSICES
ORDINARIO

REGIA AVCTORITATE CONSTITVTO
CVM DISSERTATIONE BREVI

DE

HONORIBVS MEDICI

DICATA

A

IIVSTO CHRISTIANO THORSCHMIDIO
LIB. ART. MAGISTRO

ACCLAMATIO VOTIVA
VIRI
PACIFICISSIMO EXPERIENTISSIMO
EXCELLENTISSIMO
DOMINO
MART. GOTHELF.
LOESCHNERO
MED. D. ET PROF. EX. RAARD. BREN. DUCIS
SANO-VIRI. PHYSICO PROVINCIAE
PROFESSORI PHYSICES
ORDINARIO
REGIA AUCTORITATE CONSTITUTO
CUM DISSERTATIONE BREVI
DE
HONORIBVS MEDICI
DICATA
1750 CHRISTIANO THORSCHMIDIO
LIB. VLT. MAGISTRO





Vando Vestram intuoꝛ Gentem, *Vir Excellentissime*, animo mihi obversantur antiqua illa Fabiorum, Æmiliorumque nomina, quorum gloria in tantum excrevit, ut vel soli Rempubl. Romanam sustentasse, pristinamque libertatem armis et consilio vindicasse, iustis rerum aestimatoribus videantur. Quantum autem, qui Patriae iura consilio, et armata manu asserunt, ceteris praestantiores sunt hominibus, tantum reliquos antecellunt excellentissima eorum ingenia, qui literas amplificanc, diviniorem coetum ore et calamo tuentur, qui iura mortalibus reddunt, qui abstrusas naturae opes, reconditasque rerum vires scrutantur, doctissimi que ingenii inventis, nomen ab oblivione immune praestant. Haec LOESCHERORVM illustre nomen a longo abhinc temporum ambitu, studia propria sibi fecit ac domestica, cui hanc, modestissimam quidem, laudem invidere, Herculi clavam extorquere esset dicendum. Sive enim ad eos, qui columina amplissimae domus constituti sunt, oratio mea non adspiret, utpote tenues et imbecilles nostras laudes pridem supergressos; in *Te iam Vir Excellentissime*, novum splendidissimumque sydus oriri sibi videt Vestra gens, neque tamen illud salutare sibi solum, sed Academiae, sed orbi, quocum ut solidissimam rerum Naturalium cognitionem partiare, Philosophiae Naturalis, Professor Publicus, idemque Ordinarius, Regia sanctissimaque constitutione es vocatus. Indignum adeo

iudico homine, quem Vestrae Gentis splendor ac amplitudo pri-
dem adsubmittae mentis cultum devovit, silentium iners, tanto
nunc magis evitandum, quo propius ad summum felicitatis gen-
tilitiae fastigium, in Te videmus Vestram domum adspirasse. Ne-
que tamen est, quod rei me ac instituti novitas moveat, cum quo-
usque saltem cognitio mea in antiquorum gestis pertingere
potest, videam, aequalem honorem, justosque plausus Artis sa-
lutaris ac Scientiae Naturalis doctoribus esse per solutos. Tem-
pero nunc mihi in tuendo Medici honore, a nimis ambitiosis ar-
tis salutaris originibus e coelo, ex Apollinis cuiusdam ingenioso
cerebro deportandis, quod Graecorum iactantiae relinquendum
puto; ab ipso tamen *Aesculapio*, a Cicerone de Nat. D. pro Apol-
linis filio habito, primordia honorum Gratiofo Ordini decreto-
rum recte capienda, non praeter rem iudico, cum omnis facile
antiquitatis suffragiis inter divos relatum eundem, animadvertam.
Hinc divino, eo tamen Heroico cultu exceptus a Graecis pri-
mum, qui vita nihil antiquius cariusque habendum rati, Fanum
Epidauri *Aesculapio* statuere, cereisque statua eius illustrata, thy-
ra et cinnamum adolevere. Graecorum cultum, uti in reliquis,
ita in conferendis Medico huic honoribus, honesto quodam am-
bitu Romani imitabantur, templum Viro in insula Tiberina de-
dicantes, quod deinde aegrotis magno cessit solatio, qui in eo
pernoctantes, sanitatem sibi inde redditum iri credebant. Cuius
rei memoria hodiernum durat apud eos, qui doctis itineribus Ro-
mae antiquitates scrutantur: quando Paulus Merula, sedulus an-
tiquitatum observator, hoc *Aesculapii* templum in Regione urbis
XIV. honoribus nunc S. Bartholomaei dicatum, Geograph. Ital.
P. II. L. IV. animadvertit, alius vero S. Joannis Colybitae aedem,
expulso pristino patrono hodie vocari asserit. Ut adeo habeat,
in quo se a levitate et inconstantia purget *Ed. Herb. Cberburius*,
Libro IX. de Relig. Gentil. Cap. XI. divinum ipsi in Vrbe cultum
asserens, mox vero eodem capite extra urbem eum locans, hac divi-
natione usus: quod ominosum fortasse Romani putaverint, Me-
dicum DEVM in urbem ipsam introducere, ne aegrotorum nu-
merus,

merus, DEO ipso in sui gloriam id procurante, augetur, hinc extra portam sacellum ei constitutum. Qua vero autoritate in hoc asserto nitatur, Vir alias antiquitatis peritissimus, ipse tacet, neque facile prisca Romanorum superstitio fastum, mortalibus adeo perniciosum adscripsisse Deorum cuidam, est putanda. Servatus postea, divinus medico honos in statu, quam praegrandem Museum Octavii Tonsarelli Romae olim iactat, in numis, quorum pretiosissimum sistit Georg. Hier. Velschius, eruditissimo de Vena Medinensi s. Dracunculis Veterum Libro, Cap. III. quo loco Æsculapius conspicitur in Sardonyche, Hygeiam neptem laurum tenentem manu ducens, quem eundem Angelus Abbatius cum duobus serpentibus exhibet. Eidem Æsculapio vota quoque facta solemnia, teste marmore Reis Apollinaribus reperto, cum signo aereo somni, et torque aureo duobus dracunculis insigni; quod et lapidis in Alba Regia reperti inscriptio probat, ex quo pro sua suorumque salute Æsculapio sacrificatum esse, apparet. Quid vero Dracunculi et serpentes imaginem Medici ambientes sibi velint, ex hieroglyphica haud dubie Ægyptiorum doctrina petendum venit, quibus, ut et Romanis serpens divino honore est habitus, sub cuius imagine Æsculapium, Hippocratem et reliquos principes Medicos latere, non vano augurio opinantur eruditi. Ovidius sane, Metamorphoseon Auctor, L. XV. Æsculapium in serpentem transmutatum meminit, quando canit: quod DEVS explicet (replicat alii) orbis perque sinus crebros et magna volumina labatur. Relinquatur hoc fabulae, id tamen fundamenti loco illi substernatur, prudentiam (a Pierio in Hieroglyph. serpenti pluribus vindicatum) in Medico primas facile tenere partes, cuius scilicet est, notare morborum periodos et mutationes, ut eo melius saluti aegrorum cui recuperandae adhibentur, consulere queant. Traxit vero id in paganorum ludibrium CL. Pater *Arnobius*, L. VII. adversus Gentes, de Æsculapio in ejus cultores ludens: quod per terram reptet et coetum, solum mento radat, et pectore tortuosis voluminibus se trahat, ad *βόας* eo alludens. Amandetur ea superstitio ad homines, DEVM in imagine hominis corruptibilis corruptentes; Faceat hic que

que Cherburii eiusque partibus studentium, sententia, quod Deorum multitudo ac copia summi illius explicet saltem munera diversa, vel curas circa genus humanum cum eo partiatur: Firmum vero simul maneat, prudentiam, si cuiquam commode, Medico certe convenientissime fuisse assignatam, eoque simulacro commendatam. Alio plane ab his seiunguntur instituto, haeretici, qui vocantur *Opbitae*, quos tradunt, serpentem boni et mali autorem habuisse, ipsamque *SoQleov* in serpentem versam asseruisse, stultissimos haud dubie mortalium dicendos, nisi ex Irenaei L. I. c. 34. constaret, nil adeo certi de iis statui posse, quoad integra eorum Philosophia vel Metaphysica, esset perspecta. Asclepium, nisi idem ille forsitan sit *Aesculapius*, a Diodoro Siculo magnis elogiis celebratus, Chemicis tradunt adhuc vivere: lubrico, inani ac pene nullo, quo fidem faciant, argumento, quem illi, si superesset, pridem in consortium suum, mutuumque adiumentum, in inveniundo optimo metallo, in quo inani operato seculis desudatum, traxissent: quibus tamen consultius foret, artibus Asclepii, et medendi curae insistere, quibus ille aurum iusta diligentia quaesivit, et plus quam voluit, invenit. Hunc genere proxime attingit *Hippocrates*, cum infinitis, idem nomen fortitis, non commutandus, cuius stirpem *Job. Tzezes*, *Rein. Reineccius*, *Hier. Henningsus*, *Lindenius* (hic vero a Dan. Clerico in *Histor. Medic. P. I. L. IV.* non uno nomine castigatus) pluribus deduxere. Tanta is nominis fama apud cives floruit, ut diem eius natalem postobitum quotannis festum habuerint: Vivus enim ad huc pro praesenti DEO est habitus, qui universam Graeciam pestilentia liberavit, suorum amantissimus, adeo, ut cum magnis pollicitationibus ad Artaxerxem Regem invitaretur, venire recusaverit, civibus se plus debere causatus quod eius Epistolae, T. II. *Hist. stul. et sap.* declarant. Cui vero illustri medico fraudi esse non poterit, quod, Plinio teste, cum mos antea fuisset, liberatos morbo, scribere in templo eius DEI, *quid auxiliatum sibi esset*, ut postea ex ea similitudine proficerent, hic exscripsisse ea tradatur, atque iam templo cremato, instituisse Medicinam hanc,

hanc, quae Clinice vocatur. Prostant Viri scripta et sententiae, prototidem oraculis ac sententiis divinis habitae, iusto cuncta catalogo recensita ab Excell: Hamburg: Philologo, I. Alb. Fabricio, Biblioth. Gr. L. II. c. 24. Non vulgaris olim erat honor, si cui victus in Prytaneo publicus decerneretur, quod vero Hippocrati et eius posteris concessum, teste *Sorano* in eius Vita. explicat hunc honorem magno doctrinae apparatu, *CL. Aescenbachius* in *Sympof. Sapient. Dissertat. p. 294. seq.* Massiliensibus laudi hodiernum ducitur, aluisse publicis sumtibus Medicos, Strabone teste, eique assentiente *Conringio* *Antiquit. Academ. supplem. VIII. Modum epistolae excederem, siquidem illustres Medicorum honores, uti quidem meretur virtus eorum, prosequeretur. Maximo, inter reliqua, fuit honori Artem salutarem professis, statua ornari, qui honor, nisi principibus viris, aliisque de patria bene meritis vel patrocinio civitatibus praestito, vel beneficio aliis exhibito illustribus, contigit nulli. Meretur ea de causa, qui plarium manibus oberferetur, elegantissimus Edm. Frigelius Liber, de statuis Illustr. Rom. qui uti reliquam Antiquitatem per statuas illustrat, ita honores Medici, per statuas aeternitati demandatos non ultimo loco habendos duxit L. I. c. 13. Antonio potissimum *Musae*, Medico Augusti postquam gravi ac periculoso morbo afflictam eius valetudinem expedivisset, praeter magnam pecuniarum copiam statua, aere collato iuxta signum *Aesculapii* a P. R. statuta est, teste *Sveron.* in *August. c. 59.* Quos Alexander, a rerum gestarum amplitudine magnus, Medicis honores contulerit, pervulgatum est, quemadmodum etiam exercitus eorum imperio subiectos, novimus. Mihi quidem, sacris studiis operanti, maximopere placet, sacris etiam usibus ministrando, Medicos honores suos in tantum auxisse, in quantum in reliquis crescere ii potuere. Quantum enim ad aegrotorum unctionem attinet, quam illustris *Iacobi* Apostoli locus *cap. V. §. 14.* attingit, tantum abest, ut gloriae quid inde Christiani suo capent, Romanorum sacra profitentes, ut potius sanctam Medicorum curam in aegrotis ungendis tangat sacer scriptor, qui facili id negotio, oleo suo, ultimum robur morienti addituro, adeoque *εὐθανάσιον*, et placidam mortem, quam Seneca*

in

in Medico, ut aegrotis conciliet, adeo requirit, paraturo, poterant efficere. De quibus ceterum sacris unctionibus Fortunatus *Scacchus* Sacror. Elaeochrism. Myrothec. I. c. XXI. uberior egit, illamque unctionem ad doctrinam de qua 1. Joh. II. 2. ab ea, quae ad sanitatem facit, docte distinguit. Ut adeo dubitari possit, unctionem a quoquam Apostolorum esse peractam, cum diversorum officia legantur, illorum est *προσευξασθαι*, horum vero *αλειψασθαι*, curam illi animae, hi corporis agebant. potissimum cum antiquioris historiae monumentis in nostra sententia adiuvemur, testantibus, utrumque saepius ordinem hunc apud aegrotos convenisse, diversis officiis functum esse. Longe enim aliud relictum sibi arbitrabantur divi Apostoli, ut docet *M. Clerk* in *Histoire de Medicine* P. III. Alioqui per το ελαιον unctio spiritualis indigitari posset, precibusque adscribi, quod Medicus oleo et unctione praestaret. Neque tamen hoc indignum numere eorum quod DEUS mortalibus benignus concessit, quin potius gloriosum, cum videant, viros adeo Principes, regnorum ac ineriorum, gubernacula tenentes, non erubescere, artem salutarem profiteri, eiusque ope mortalium saluti consulere. Otium mihi fecit in eo Excellentissimus Polyhistor *Morbosus*, de Medico Principe pridem commentatus. In gloriae partes, uti quidem vulgo perhibetur, cedunt Habsburgicae Domus comites, Franciae et Angliae Reges, quibus domesticum est, strumas, aliasque naturae degenerantis formas sanare: Pyrrhus Epirotarum Rex, spleneticos sanitati restituens: Vespasianus, coecum sanans (salva tamen *Boxhornii*, *Quaest. Rom.* IX. aliorumque de sic dictis Vespasiani miraculis, sententia) Balliolorum apud Gallos illustris familia, crurifragis, prolapsis, ictis, vi tacita, pristinum habitum largiens: Saludadores sive Salvatores in Italia, verbis et afflatu fanantes: Arabes omnes Principes, Scoti singuli nobiles, praecunte Rege Iosina, et in numeri alii, virtutis suae praedicatores nacti vel *Felicem Fabrum* in *Historia Svevorum* vel *Buchananum* in *Histor. Scotiae* vel *Georg. Pascham*, *Invent. Medic.* c. VI. Hacten-

Hactenus Honores Medici sibi constant, durant, atque intaminatis honoribus fulgent, quoad tamen per eos licebit, qui *Medicos* apud Romanos antiquitus *servos* fuisse singulari et firmi animi persuasione tuentur. Non ignobilis omnino Controversia est, inveterataeque opinioni, de servitute Medicorum aperte opposita, cui quod faveat, si superfunctorie causam contempleris, omnino non parum est. At vero, pace Virorum eruditissimorum, secus sentientium, liceat dixisse: ut plurimum hactenus promiscue servitatem Medicis vel assertam omnibus, vel negatam cunctis. Damus, extitisse servos Medicos, eos venditos ex lege, vel LX. solidis, mancipiique loco habitos, quandoquidem illud Senecae L. III. de Benef. urgent: *Imperavit servo, eidemque Medico suo*: omnes vero Medicos Romae servos fuisse, eius equidem rei nobis vix fidem facient. Probamus, in eorum gratiam, servos fuisse Medicos, at ungentarios, at vulnerarios, dentibus, oculis, auribus, singulos singulis membris, corporisque affectionibus medentes. Distingvendus adeo venit Medicus, nec eodem semper loco habendus, propria vocis acceptio adhibenda, ab Jatrallipta, quales extitere quidam servi Medici, doctè separandus. *Quis* enim unquam servos fecerit illustres Romae Poliatros, *Asclepium, Celsum, Sextium Nigrum, Iulium Bassum*, honorifice Romae habitos, liberos scilicet. *Quis* unquam servis statuas positae comperiet, nisi vel libertis, vel liberis: et quando servis positae leguntur, Romae illud decrecentis dat indicium. Enimvero, fuere Haereticis etiam hominibus statuae positae, sed dedecoris causa, Ario scilicet, Macedonio, Sabellio, Eunomio, qui desidentes humi sculpti sunt, ad notandam eorum perfidiam, ut a praetereuntibus stercore ac luto contaminarentur, uti P. Gyllius, L. II. Topograph. CSpol: notat. Objiciunt: Civitate donati Medici a Iul. Caesare, ergo non liberi, sed servi fuere? Num vero advenae civitate donari non potuere. Quod si omnes hi mancipia fuissent, quantum quaeso damni, ob amplissimum eorum numerum, illatum Dominis eorum esset, ex tot hominum sibi priorum manumissione? Neque etiam qui servus fuerat, Civis Romanus salutari poterat. *Eudemus* Medicus, Tacito Anna-

B
lium

lium Conditori, Liviae amicus vocatur. Sane Livia, maiestatis Augustae non adeo prodiga fuit, ac immemor, ut cum servo amicitiam contraxerit. Quem quidem amicum, si vel maxime sanctioris consilii senatorem velis, multo minus servum dices. Post Augusti vero excessum, iterata servitutis eorum redit mentio, cum patresfamilias plures alerent Medicos, eos tamen liberos pariter ac servos, hos quidem ungentarios, auricularios, in balneis fervientes, aliosque plures, crescente scilicet luxu, ad Aegyptiorum morem, qui ungentarios plures habuere. Professos tamen medicinam ea aetas iusto ordine, a I. Caesare constitutos, et Professorum salario auctos, habuit: Medicinam vero servos *professos*, nullibi legeris. Non raro etiam contigit, ut ingenuus quidam ab hoste captus, pro servo venderetur, quod Platoni, aliisque plurimis contigit: quis inde eliceret, Philosophos fuisse servos, vel quod Epictetus quoque Epaphroditum servus, Philosophiam exercuerit. Maximo potius honore Medici Romae habiti, Quiritibus ipsis Medicinam excolentibus, et ad sextumviratus dignitatem admotis, quod ex Vrsati monumentis Patavinis cognoscimus. Hos vero honores servis tributos esse, nemo antiquitatum vel modice peritus affirmaverit. Nolim tamen promiscue asserere de Aliptis, quod servi illi fuerint, quandoquidem non obscure in antiquorum scriptis reperio, Medicos hos sibi in medendi cura adiunxisse, sanandique laborem cum his quasi esse partitos, ita, ut illi curam salutis haberent, his vero virium et coloris relinqueretur reparatio. Ita enim Cicero *L. I. ad Famil. epist. IX. Sed vellem non solum salutis meae, quemadmodum medici, sed etiam ut Aliptae, virium et coloris habere rationem voluissent.* Celsus quoque sanum ac bene valentem hominem neque Medico neque Alipta egere, eadem ratione pronunciat. *L. I. c. 1.* et Plinius *L. XXIX Cap. I.* Discernendi adeo veniunt Iatraliptae, a valetutudinis cura a se habenda, dicti, et inter Medicorum servitia quandoque agentes, ab Aliptis, illis qui vel palaestritas, vel balneis utentes ungebant: quorum officium *Ad. Brendelius*, Medicus Philologus excellentissimus, in *Dissert. de Balneis veterum, valetudinis causa adhibitis, §. IX.*

ex antiquitate docte explicat. Vnguentarii quidem, quos ale-
 bant plurimos illi, qui in re lautiori versabantur, exservitio, ut no-
 bis quidem videtur, se nunquam vindicabunt: at vero *Vngentarii*
 liberi facile, ac genuini afferuntur, teste antiquo lapide, ex Venu-
 sia Apuliae ad *Manutium* transmissio, in quo, eos qui corpora ho-
 minum ungerent, in honore atque existimatione versatos esse vel
 inde adparet, quod liberi fuerint, et nobiles, qui suam familiam
 manumittere potuerint. Verba, quae huc faciunt, ex lapide, quem
 CL. *Scacchus* Elaeohrism. Sac. Myrothec. I. c. 17. exhibet, habemus
 ea: CLAVDIO. PHILARGYRO. VNGENTARIO. ISO. FAMI-
 LIAM. SVAM. MANVMISIT. PECVNIAMQVE. LEGAVIT.
 Sufficiant haec distingvendis Medicis, eorumque honoribus asse-
 rendis: Reliqua vero, quae obiici hoc in argumento possint
 ex loco quodam Plinii, Legumque variarum Codicis, redu-
 ci facile huc possunt, refellendaque a me relinquuntur Viro
 Artis salutaris experientissimo, Lic. Sigismundo *Schmiedero*,
 Academiae Carolinae Socio, Fautori et amico honorando, qui
 pro ea qua in Philologia pollet copia, peculiari Observatio-
 ne, de *Medicina a Servitute antiqua vindicata*, et Ephemeridi-
 bus Naturae Curiosorum propediem inferenda, hanc contro-
 versiam accurato studio pertractabit. conferri interea merentur
 Ioach. *Pörgieserus*, Tremoniensis L. II. de statu et conditione
 fervorum apud Germanos, cap. 8. Io. Conr. *Barkhusen*. Histor.
 Medic Dial. I. Maximos tamen ego et plenissimos putaverim
 accessisse Medicis honores, quando publico ac solenni Ecclesiae
 consensu *Sanctorum* appellatione sunt cohonestati. Cum enim
 alios sacra auri fames ad iuvandum aegrotos compelleret, hi
 interno quodam misericordiae motu percussi, ardentissimam cu-
 piditatem, in felicissimo statu proximum conservandi ex puriori
 DEI cultu traxerunt. Hinc celebrant Fasti Sanctorum AEmi-
 lianos, Cosmos et Damianos (Facultatis Medicae VVitteberg: o-
 lim Patronos) Dionysios, Eusebios, Gennadios, Damascenos,
 Pantaleones, et quamplures alios, illustres item foeminas, Au-
 gustas, Principes, cuius utriusque sexus Sanctorum Abr. *Bzovius*,
 Andr. *Tiraquellus*, Gvil. *Durdallius*, novissime Chr. Bened.

Carpzovius, iustos Catalogos exhibuere. Sed quid opus ex antiquitate repetere honores Medici, qui Palatini, et in Principum consiliis fuere, cum nostra adhuc aetas, Regum atque Principum latera cingentes ostendat, sanctioribus consiliis ad-motos, inque splendidissimo comitatu tantum non primum locum obtinentes. Durare adhuc Medicis suos honores et praemia, in hac ipsa Academia *Te* ante *Vir Excellentissime*, habes splendidissima eademque illustria exempla, in iis, quorum nunc vestigia premis, honoresque pari passu sequeris: *Illustribus* BERGERIS, quorum gloriam, sanctior *Regii* corporis cura illustriorem, pur-pura vero Academica, qua nunc fulgent, splendidiorem posteritati relinquunt: VATERIS, quorum virtus cum in Academia vix contineretur, tot Principum votis expetita, tot felicifimis in Arte sua successibus nobilitata, ut plane immortalis esse videatur: BRENDELIIS, dignis iam Medico honoribus, cum Orbis, cui pridem inclaruere, Artisque studioforum plausu, ma-joribus, principum Virorum valetudine conservata, celebratis, laudesque nostras pridem supergressis. Gratosum Vestrum Ordinem adhuc retinere suas Gratias, quae Principes etiam viros alliciant, indicio est, quod *Sereniss. Saxo* VINAR. PRIN-CEPS, curam salutis Provinciarum suarum, Arte Tua tuendam, Clementissime in *Te* devolverit. *Augustiss.* POLONIAR. REX. Academiae Nutritor munificentissimus, Medicinam docere, ad-iecta muneris amplitudine, iusserit, *idem* quoque, quo est erga literas divinissimo affectu, amplifsimis muneribus Ordinariam Physices Professionem adiecerit. Publico excipit plausu ac veneratur hanc Regiam voluntatem, Orbis, cui per remota ab-hinc itinera, literarum commercia, Lectiones doctas, scripta, pri-dem inclaruisti: Vota facit et multiplicat Cliens, Vestraeque Genti devotus, pro salute *Tua*, *Tuorumque* pleno nunc iubare singulos eruditorum ordines illustrantium, salute, dignitate, splendore, quae cuncta, ut ad feros usque posteros deriventur, devota mente, submissoque cultu, precatur.

VITEMBERGAE FORMIS KREVSIGIANIS, M DCCXIV.

Ha 1612. 8

2

ULB Halle 3
003 856 135



56.

VD 18

VD 17





O VOTIVA
 RO
 XPERIENTISSIMO
 TISSIMO,
 I N O
 DTHELF
 HERO
 RAORD. SEREN. DVCIS
 ICO PROVINCIAL.
 NC
 I PHYSICES
 ARIO
 TE CONSTITVTO
 TIONE BREVI
 VS MEDICI
 TA
 D THORSCHMIDIO
 AGISTRO



Farbkarte #13

B.I.G.

Blue
 Cyan
 Green
 Yellow
 Red
 Magenta
 White
 3/Color
 Black

inches
 1
 2
 3
 4
 5
 6
 7
 8
 9
 10
 11
 12
 13
 14
 15
 16
 17
 18
 19
 20
 Centimetres

M
 ME
 P

